

S.^{MI} IN CHRISTOP.

Et D. N. D.

CLEMENTIS

DIVINA PROVIDENTIA

PAPAE VIII.

CONSTITVTIO

DE LARGITIONE MVNERVM

vtriusq; sexus Regularibus interdicta.



R O M Æ, Apud Impressores Camerales. 1594.

CLEMENS EPISCOPVS

Seruus seruatorum Dei, Ad perpetuam rei memoriam.



Religioſæ Congregationes, ab inſigni ſanctitate viris Spiritus Sancti aſſuſta inſtituta, tantas Eccleſiæ Dei vtilitates omni tempore attulerunt, vt ad eas conferuandas, & inſtaurandas Romani Pontifices Prædeceſſores noſtri, magnam iure optimo diligentiam ſemper adhibuerint: Nam cum ea ſeruerent humanarum cõditio, & natura, vt etiam, quæ optimè fundata, & cõſtituta ſunt partim hominum imbecillitate, & ad malum procliuitate, partim Dæmonis aſtutia, paulatim deſiciant, ac niſi cura peruigili ſuſtententur, in deterius prælabantur; Idcirco Summorum Pontificum vigiſtantia, magnopere laborauit, vt Regularium Ordinum diſciplina, aut labefactata in priſtinum reſtitueretur, aut ſalutaribus Cõſtitutionibus communita, integræ atq; incolomis permaneret. Quorum nos veſtigijs pro eodem Officij munere inſiſtere, & Paſtorales illorum ſollicitudinem (quãtum poſſumus) diuina adiutrice gratia, cupimus imitari. Quare ne ex muneribus, quæ à pluribus Religioſæ vitæ profeſſoribus, ex Chriſti patrimonio, quibusuis hominibus quauis ex cauſa ſepè tribuuntur grauiã incommoda, & mala, etiam boni ſpecie exiſtant, præcauere ſtudeas; hac noſtra perpetuò valitura Cõſtitutione vniuerſis, & ſingulis cuiuſcunq; Ordinis mendicantium, vel non mendicantium bona immobiliã, & redditus certos ex indulto Apoſtolicò poſſidentium, ſeu non poſſidentium, ſeu cuiuſuis, Congregationis Societatis, & inſtituti (non tamen Militiæ) Regularib. perſonis vtriuſlibet ſexus omniã, & quacũq; largitionem, & miſſionem munerum penitus interdiciamus. Sub qua prohibitione comprehendi volumus omnia & ſingula Capitula, Conuentus, & Congregationes, tam ſingulorum Conuentualium, Monafteriorum, Prioratum, Præpoſiturarum, Præceptoriarum, domorum, & locorum, quã Prouincialia, aut Generalia cuiuſlibet Prouinciæ, ſiue vniuerſi Ordinis Societatis, aut inſtituti: eorumq; vel earum Camerarios, Commiſſarios, & quocunq; Officiales, & ſingulares perſonas: Ipſos etiam Ordinum, Congregationum, & Societatum huiuſmodi Superiores quacunq; dignitates obtinentes, etiã Generales, & Prouinciales, Magiſtros, Miniſtros, & quocunq; nomine Præfectos, necnon Conuentuum, Monafteriorũ, Prioratũ, Præpoſiturarum, Præceptoriarum, domorum, & locorum quorumcunq; Abbates, Priores, Præpoſitos, Præceptores, etiam maiores Guardianos, Miniſtros, Rectores, atq; Abbatiffas, Prioriffas, & alio quouis titulo Præſidentes, tam ipſis Regularibus, quã Locorũ Ordinarijs, ſeu quibusuis Superioribus ſubiectas vtriuſlibet ſexus ad vitam, vel ad tẽpus deputatos: ad eò, vt nemo vnquã eorũ, vel earum directè, vel indirectè palã, vel occultè, tam cõmuni, quã particulari, & proprio nomine, etiam ſub quouis Statuti, vel conſuetudinis, ſeu verius corruptelæ, aut alio prætextu, vel quacunq; cauſa niſi in Generali Capitulo, aut alia Generali Congregatione re maturè diſcuſſa vniãmi cõſenſu omnium, Superiorumq; permiſſu cauſa approbata fuerit quicquam tale attentare valeat.

Id autem ita abſolutè, & generatim vetitum intelligatur, vt neque omnino ſas fit quicquam donare, tam ex fructibus, redditibus, & prouentibus, collectis, vel contributionibus, aut oblationibus, ſiue elemoſynis, aut ſubſidijs certis, vel incertis ordinarijs, ſeu extraordinarijs, menſæ, ſeu maſſæ communis, vel cuiuſuis Fabricæ, & Sacriſtiæ, quorum bona communiter, vt præfertur, adminiſtratur, ſeu quæ rationibus reddendis ſunt obnoxia, quã ex pecunijs, etiam, quæ à ſingulis quouis modo acquiſitæ in commune conferendæ omnino ſunt. Nec ſi per viam voluntariæ contributionis in commune congerantur. Nec ſi forſan priuatim, & nominatim cuiſlibet Religioſo à ſuis Superioribus, vel à proprijs affinibus, propinquis, familiaribus, amicis, aut beneuolis, vel à pijs Chriſtiferis, etiam elemoſynæ, aut charitatis, & illius propriæ perſonæ intuitu attributæ, ſeu quomodo per quemlibet religioſum ſuo Monafterio Domui, aut Loco acquiſitæ, eiq; vt ad libitũ ad eis diſponat per Superiores conſeſſæ fuerint: Præterquam leuiora eſculentã, aut poculenta, ſeu ad deuotionem, vel Religionem pertinentia munuſcula communi tantum nunquam verò particulari nomine (vbi Superiori de conſenſu Conuentus videbitur) tradenda.

Sed & huiuſmodi miſſiones munerum ipſis Religioſis vtriuſlibet ſexus non ſolũm per ſe, verum etiam per alios, tam directè, quã indirectè prohibitas declaramus.

Neq; verò quiſpiam ab hac generali prohibitione ſe excuſare valeat, etiam ſi munera miſerit, cuius perſonæ Laice, vel Eccleſiaſticæ cuiuſcũq; ſtatus, gradus, dignitatis, ordinis, vel conditionis, & quauis non ſolũm mundana, & Ducali, Regia, Imperiali, verum etiam Eccleſiaſtica, & Pontificali, aut alia maiori, etiam S.R.E. Cardinalatus dignitate fulgenti, etiam proprio Lociodinario, etiam

etiam ex causa, & occasione benedictionis, vel susceptionis habitus Regularis, tonsuræ, aut Professionis Monialium, tam sibi subditarum, quam nõ subditarum, aut ipsi etiam proprio ordinis, vel Cõgregationis Protectori, Viceprotectori, Generali, vel Prouinciali, aut cuiusvis Monasterij, Prioratus, domus, aut cuiuslibet alterius loci Regularis Superiori, aut alio quocũque officio, munere, aut dignitate fulgenti, vel cuiusq; etiam simplici, & particulari Religioso. Ita ut inter ipsos quoq; Religiosos (ne praua ambitione impulsus pro cõsequendis in sua Religione gradibus, & dignitatib. alter alterius gratiam, aut beneuolentiam aucupetur) quæcunq; largitio, aut donatio munerum (nisi rerum minutarum, de licentia expressa, & in scriptis Superiorum) sit penitus interdicta.

Insuper prohibemus, ne vnquã eisdem Regularibus liceat vllas pecunias quoquo modo erogare in alicuius etiam Benefactoris, aut Protectoris, vel ordinarij honorem, etiam occasione transitus, vel primi ingressus, aut ad beneficiorum acceptorum memoriã, gratiq; animi testificationem, seu pro prædictis personis quavis auctoritate, vel dignitate fungẽtibus honorificè, lautè, & opipare excipiendis, seu pro quibusuis conuiujs eisdem, aut cuius alteri quacunq; occasione, vel causa exhibendis, vel pro commensationibus, aut comotationibus quibusuis personis, tam eiusdem Ordinis, Congregationis, Monasterij, domus, aut loci, quã extraneis largiendis, aut pro exhibẽdis spectaculis, etiam pijs intra Ecclesias, Monasteria, & domos sacras, seu pias, vel extra eas, in quibusuis publicis, aut priuatis sacris, aut profanis locis, etiam vbi Sãctorum, & Sãctarum vita, aut res piẽ gestæ, etiam in memoriam Passionis Dominicæ populis spectandæ proponuntur, aut aliã in prædictis, siue in quibusuis rebus superuacaneis ad pompam, & ostentationem, aut ad oblectationem, vel paucorum lucrum, & priuata commoda quomodolibet pertinentibus, Nisi re ipsa pro diuino cultu, & veris Christi pauperum indigentijs, seruato in hoc charitatis Ordine, & habita necessitatis ratione de consilio, & consensu Superiorum subleuandis, aut aliã in rebus licitis, & per Capitulum Generale, aut Prouinciale non prohibitis, vel Taxam ibi forsan præscriptam non excedentibus sumptus huiusmodi fiant.

Declarãtes tamen per hæc laudabilem, & Apostolica doctrina, sacrisq; Canonibus commendatam hospitalitatem præsertim ergã pauperes, & peregrinos, nequaquam imminui, aut prohiberi. Quinimmo si qui redditus ad id, vel ex fundatione, vel ex institutis statutis, aut cõsuetudinibus aliquorum Monasteriorũ, ordinũ, aut regularium huiusmodi locorum, aut ex testatorum, vel donantium voluntatibus siue aliã applicati, aut donati sunt, eos omnino (vt decet) integrè in vsus pios hospitalitatis huiusmodi erogandos esse, & præsertim in Monasterijs, seu locis desertis, & ab laicorum adibus longius remotis; vbi tamen pauperum, & verè egenorum ratio in primis habeatur.

Si quos verò ditiores occasione transitis, siue aliã ex deuotionis, aut necessitatis causa eò diutere cõrigerit eos sanè deceret Refectorio cõmuni cum Religiosis, mēsaq; & ferculis cõmunibus, nequaquã à ceteris distinctis cõtentos esse. Verum omnino ipsi Regulares in hospitibus huiusmodi potẽtioribus excipiẽdis ita se gerant, vt in eis frugalitas, & paupertas religiosa prorsus eluceat.

Pari etiam ratione distictè inhibemus, ne quispiam ex prædictis Laicus aliã, quam vt superius dictũ est, vel Clericus secularis, vel regularis quocũq; honore, præminencia, nobilitate, aut excellentia etiam S. R. E. Cardinalatus dignitate præditus etiam Protector, Viceprotector, loci ordinarius, Prælatus Generalis, Prouincialis, aut Monasterij, Domus, vel loci cuiuslibet superior, eorumuẽ affines, propinqui, familiares, aut Ministri vtriuslibet sexus, quicquam cõtra hanc superius expressam prohibitionem recipiant.

Quod si, vel ab aliquo particulari Religioso, vel à superiore quopiam Generali Prouinciali, aut alio quocunq; officio fungente, aut à Conuentu, Capitulo, vel Congregatione; siue ab vniuerso ordine, & Religione quicquam receperint; id quod acceperint suum non faciant. Verum ipso factõ absq; aliqua monitione Iudicis decreto, sententia, aut declaratione ad illius restitutionem omnino in vtroq; foro teneantur: adeò vt restitutione ipsa realiter non facta, neq; etiam in foro cõscientiæ absolui possint.

Hanc autem restitutionẽ fieri volumus non priuatim ei Religioso, qui donauit, sed ei Monasterio, Domui, vel alteri loco de cuius bonis facta est largitio, vel si non de eius bonis donatum est in quo idem Religiosus donans professionem emisit, vel si nomine totius Capituli, Conuentus, aut Congregationis, vel vniuersi ordinis, seu Religionis donatio facta extiterit; pariter cõmuni mensæ aut massæ, cuius nomine donatum fuerit, accepta munera restituantur; ita vt nec qui donauit, nec Conuentus, Capitulum, Congregatio, ordo, aut Religio, cui restitutio faciẽda est, illam remittere, & iterum condonare, aut recipientem ab obligatione restituendi eximere, vel vt in Pauperes eroget concedere quoquo modo possit.

Quod si quis ex supradictis Regularibus vtriuslibet sexus cuiuscũq; gradus, ordinis, dignitatis,

ac vbi libet locorum existentibus cōiunctim, cum ceteris, seu diuisim nostrarū huiusmodi prohibitionum, statutorum, ordinationum, iussionum, decretorum, mandatorum transgressor fuerit; statui-
mus, vt omnibus, & singulis per eum obtentis dignitatibus, gradibus, muneribus, & officiis eo ipso
priuatus, ac ad illa & alia similia, vel dissimilia in futurū obrinēda inhabilis perpetuò, & incapax
ac perpetua infamia, & ignominia notatus existat. Et præterea priuationē vocis actiua, & passiuę
absq; vllō Superioris decreto, aut ministerio ipso facto incurrat, necnon vltra huiusmodi pœnas,
etiā tanquā contra furti, & simonix criminum reum, tam per viam denunciationis, & accusationis,
aut querelex, quam etiam ex officio procedi, & inquiri, condignisq; supplicijs affici debeat.

Pœnis etiā à iure statutis, ac per alias Cōstitutiones Apostolicas, aut propria cuiusvis Ordinis,
Congregationis, Monasterij, Domus, aut loci, statuta, vel consuetudines contra personas aliquid
præmissorum committentes forsan decretis, & inflictis, nihilominus in suo robore permansurus.

Quocirca vniuersis, & singulis modernis, & pro tempore existentibus Locorum ordinarijs, eo-
rumq; Vicarijs, & Officialibus, necnon quorumcunq; Ordinum, Prioratum, Monasteriorum, &
Domorum Superioribus, etiā Generalibus, seu Prouincialibus, ceterisque ad quos spectat, per Apo-
stolica scripta mandamus; quatenus ipsi, & eorum singuli, quantum ad eos pertinet, curent omni stu-
dio, diligentia, auctoritate, & vigilantia præsentē Cōstitutionem firmiter, & inuiolatē obseruari,
& contra inobedientes, vel transgressores condignis pœnis animaduerti. Eosdem inobedientes,
necnon contradicētes quoslibet, & rebelles per opportuna iuris, & facti remedia appellatione
postposita compescendo, inuocato etiam ad hoc (si opus fuerit) auxilio brachij secularis.

Non obstantibus Cōstitutionibus, & ordinationibus Apostolicis, dictorumq; Monasteriorum,
Prioratum, Domorum, Locorum, necnon Ordinum, Congregationum, Collegiorum, iuramento,
confirmatione Apostolica, vel quauis firmitate alia roboratis, statutis, & consuetudinibus; priuile-
gijs quoq; indultis, & literis Apostolicis quorumcunq; tenorem existant, per quæ præsentibus nō
expressa, vel ad verbum non inserta effectus præsentis nostræ Cōstitutionis impediri quomodo-
libet valeat, vel de quibus quorumq; totis tenoribus habenda sūt in nostris literis men-
tio specialis. Quæ omnia quatenus præmissis in aliquo aduersentur, prorsus tollimus, & abro-
gamus, ceterisque contrarijs quibuscunq;.

Volamus autē, vt præsentēs literæ in Valuis S. Io. Lateranen. & Principis Apostolorum de Vibe
Basilicarū, & in Acie Campi Florę publicētur affixis inibi earum exemplis, & dimissis. Quodq; ea-
rum exēpla, seu illorū compendia in libris quorūcunq; Statutorum prædictorum Monasteriorū,
Prioratū, Collegiorum, Domorum, Ordinū, & Congregationum (quo ad Moniales, in vernaculum,
& vulgare cuiusq; Regionis sermone versā) & à Loci ordinario, qui id quàmprimū fieri curat,
subscripta inferantur, & saltem quotannis in Capitulis, siue Congregationibus cuiusq; earū alta,
& intelligibili voce legantur. Et nihilominus post sexaginta dies à die publicationis (vt præfertur)
in Romana Curia faciendā vnumquemq; citra montes, vltra montes verò post quatuor menses,
perinde ardeat, & afficiat, ac si cuiq; personaliter intimatæ, & per eos iuratæ fuissent.

Quodq; earum trāsumptis etiam impressis manu Notarij publici subscriptis, & sigillo personæ
in dignitate Ecclesiastica cōstitutæ obsignatis eadem prorsus fides in iudicio, & extra illud vbiq;
adhibeatur, quæ adhiberetur eisdem præsentibus, si essent exhibitæ, vel ostensæ. Nulli ergo om-
nino hominum liceat hanc paginam nostrorum interditi, prohibitionis, declarationis, inhibitionis,
statuti, mandati, sublationis, abrogationis, & voluntatis infringere, vel ei ausu temerario
contraire. Si quis autem hoc attentare præsumperit, indignationem omnipotentis Dei, ac bea-
torum Petri & Pauli Apostolorum eius se nouerit incursum. Dat. Romæ in Monte Quirina-
li, Anno Incarnationis Dominicæ, Millesimo quingentesimo nonagesimo quarto, Tertio decimo
Kal. Iulij Pontificatus Nostri Anno Tertio.

L. Card. Prodat.

M. Vestrius Barbianus.

A. de Alexijs.

Registrata apud Marcellum Secretarium.

In nomine, & à Natiuitate Domini, Millesimo quingentesimo nonagesimo quarto, Indictione septima, die vero se-
cunda Mensis Iulij, Pontificatus Sæctis. in Christo Patris, & D. N. D. Clementis diuina prouidentia Papæ VI I. An-
no Tertio. Retroscriptæ literę publicatæ, & affixę fuerunt in acie Campi Florę, & alijs locis publicis, & consuetis per
nos Prosperum Spada, & Franc. de Bonis, eiusdem S. D. N. Curf.
Ita est Franc. de Bonis, S. D. N. PP. Curf.
Gabriel Sauarellus Cursorum Magister.